

Na osnovu člana 16.stav 4. Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona”, broj 7/10), a u skladu sa članom 51. Stav 2. Zakona o izvršenju Budžeta Zeničko-dobojskog kantona za 2014. godinu (“Službene novine Zeničko-dobojskog kantona”, broj 15/13), Vlada Zeničko-dobojskog kantona, na 145. sjednici, održanoj 23.01.2014. godine, d o n o s i

ZAKLJUČAK

o usvajanju Programa utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “Kapitalni transferi drugim nivoima vlasti-za zdravstvo” Budžeta Zeničko-dobojskog kantona za 2014. godinu

I.

Usvaja se Program utroška sredstava na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “Kapitalni transferi drugim nivoima vlasti-za zdravstvo” Budžeta Zeničko-dobojskog kantona za 2014. godinu u iznosu od 3.447.500,00 KM (slovima: trimilionačetiristotinečetrestsedamhiljadaipetstotina konvertibilnih maraka), koji čini sastavni dio ovog zaključka.

II.

Raspodjela sredstava po Programu iz tačke I. ovog zaključka vršit će se na osnovu dinamičkog plana Ministarstva zdravstva i raspoživih sredstava u Budžetu Kantona.

III.

Zadužuju se Ministarstvo zdravstva i Ministarstvo finansija, da realizuju ovaj zaključak u skladu sa zakonom ipodzakonskim aktima, svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____/14.
Datum, 23.01.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo zdravstva
1x Ministarstvo finansija
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA BUDŽETSKIH SREDSTAVA
NA RAZDJELU 21-MINISTARSTVO ZDRAVSTVA, BUDŽETSKA
ORGANIZACIJA 01, POTROŠAČKA JEDINICA 0001, EKONOMSKI
KOD 615100- POZICIJA
“KAPITALNI TRANSFERI DRUGIM NIVOIMA VLASTI- ZA
ZDRAVSTVO”
BUDŽETA ZENIČKO-DOBOJSKOG KANTONA ZA 2014. GODINU**

Zenica, januar 2014. godine

U skladu sa odredbama člana 36. i 51. Zakona o izvršavanju Budžeta Zeničko-dobojskog kantona za 2014. godinu, («Službene novine Zeničko-dobojskog kantona», broj: 15/13), Ministarstvo zdravstva predlaže Vladi Kantona Program utroška sredstava na razdjelu 21, budžetskoj organizaciji 01, potrošačkoj jedinici 0001-Ministarstvo zdravstva, ekonomski kod 615100, Pozicija- **«Kapitalni transferi drugim nivoima vlasti-za zdravstvo»**.

Svrha Programa: Ovim programom utvrđuje se utrošak sredstava za kapitalne transfere u oblasti zdravstva.

Visina sredstava: 3.447.500,00 KM

Izvori sredstava: Budžet Zeničko-dobojskog kantona za 2014. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 615100, pozicija “Kapitalni transferi drugim nivoima vlasti-za zdravstvo”.

U skladu sa članom 13. Zakona o zdravstvenoj zaštiti (“Službene novine Federacije Bosne i Hercegovine”, broj: 46/10) Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa planom i programom mjera zdravstvene zaštite za područje kantona koji utvrđuje vlada kantona na prijedlog kantonalnog ministra.

Potrošnja odobrenih sredstava podijeljena je u tri dijela:

1. Refundacija troškova finansiranja ranije nabavljene opreme
2. Nabavka opreme za Kantonalnu bolnicu Zenica u skladu sa Odlukom Vlade Zeničko-dobojskog kantona broj: 02-14-27009/13 od 19.12.2013. godine
3. Nabavka neophodne opreme u skladu sa urgentnim zahtjevima zdravstvenih ustanova

1. Refundacija troškova finansiranja ranije nabavljene opreme od dobavljača “Siemens” d.o.o. Sarajevo-planirana sredstva 2.000.000,00 KM

JU kantonalna bolnica Zenica je već duži period suočena sa problemom izmirenja obaveza prema dobavljačima, zbog čega su u 2013. godini bili pokrenuti sudski sporovi, koji bi za posljedicu mogli imati blokadu žiro računa sudskim izvršenjima. Jedan od dobavljača koji je pokrenuo sudski spor je “Siemens” d.o.o. Sarajevo. Obzirom da se radi o obavezama JU Kantonalna bolnica Zenica za nabvku i investiciono održavanje opreme, što je obaveza osnivača, zbog prevazilaženja nastale situacije, Vlada se opredijelila da dio sredstava planiranih u Budžetu Zeničko-dobojskog kantona planira za refundaciju troškova ranije nabavljene opreme po ugovorima koji su zaključeni sa “Siemens” d.o.o. Sarajevo.

Zaključkom Vlade Zeničko-dobojskog kantona broj: 02-14-26042/13 od 11.12.2013. godine, u toku izrade Budžeta Zeničko-dobojskog kantona za 2014. godinu zaduženo je Ministarstvo finansija da u Budžetu Zeničko-dobojskog kantona za 2014. godinu planira sredstva u iznosu od 2.000.000 KM za servisiranje duga koji JU Kantonalna bolnica Zenica ima prema dobavljaču "Siemens" Sarajevo, a u cilju osiguranja navedenih sredstava izvršeno je povećanje vanrednih prihoda.

Prema podacima JU Kantonalna bolnica Zenica stanje obaveza prema dobavljaču "Siemens" d.o.o. Sarajevo za ranije nabavljenu opremu i servisiranje medicinske opreme po ugovorima je slijedeće:

- **Projekat nabavke magnetne resonance i multislajsnog CT aparata i sufinansiranje priprema prostora za smještaj opreme- Ugovor br. 20/1-1296 od 19.03.2009. godine**

Ugovorena vrijednost: 5.914.645,34 KM

Ugovoreni uslovi plaćanja 60 jednakih mjesečnih rata po 98.577,42 KM

Dospjeli dug sa 11.12.2013. godine je 13 rata iz 2012. i 2013. godine, što iznosi 1.281.506,46 KM

- **Projekat informatizacije radiologije PACS/RIS – Ugovor br: 20/1-5639 od 19.11.2009. godine**

Ugovorena vrijednost 936.005,73 KM

Ugovoreni uslovi plaćanja: avans 200.000,00 KM i 54 jednakih mjesečnih rata po 13.629,74 KM

Dospjeli dug sa 11.12.2013. godine je 14 rata iz 2012. i 2013. godine, što iznosi 190.816,36 KM

- **Projekat nabavke RTG sistema –Ugovor br: 20/1-4004 od 26.07.2010. godine**

Ugovorena vrijednost: 420.708,60 KM

Ugovoreni uslovi plaćanja 36 jednakih mjesečnih rata po 11.686,35 KM

Dospjeli dug sa 11.12.2013. godine je 10 rata , što iznosi 116.863,50 KM

- **Projekat izmještanja i nadogradnje CT aparata za potrebe radioterapije – Ugovor broj: 20/1-3624 od 22.06.2011. godine**

Ugovorena vrijednost 494.760,31 KM

Ugovoreni uslovi plaćanja u 24 jednake mjesečne rate po 20.615,01 KM

Dospjeli dug sa 11.12.2013. godine je 13 rata, što iznosi 307.012,24 KM.

- **Održavanje –servis medicinske opreme –Ugovor br: 20/1-12947 od 29.05.2012. godine**

Ugovorena vrijednost mjesečno 6.060,00 KM.

Dospjeli dug sa 11.12.2013. godine je 13 rata, što iznosi 78.780,00 KM

Prema navedenim podacima ukupan dug JU Kantonalna bolnica Zenica prema dobavljaču “Siemens” d.o.o. Sarajevo na dan 11.12.2013. godine iznosi 1.974.978,56 KM.

Budžetom Zeničko-dobojskog kantona za 2014. godinu predviđena su sredstva u iznosu od 2.000.000 KM za servisiranje navedenog duga.

Dinamiku transferisanja navedenih sredstava za JU Kantonalna bolnica Zenica utvrdit će Ministarstvo finansija u skladu sa raspoloživim sredstvima, nakon čega će Ministarstvo zdravstva predložiti Vladi Zeničko-dobojskog kantona Odluku kojom će biti precizirane obaveze koje se izmiruju po svakom pojedinačnom ugovoru.

Nakon transferisanja sredstava JU Kantonalna bolnica Zenica će Ministarstvu zdravstva dostaviti dokaz o izmirenju obaveza po svakom pojedinačnom ugovoru.

2. Nabavka opreme za JU Kantonalna bolnica Zenica u skladu sa Odlukom Vlade Zeničko-dobojskog kantona broj: 02-14-27009/13 od 19.12.2013. godine-planirana sredstva 1.070.000,00 KM

Vlada Zeničko-dobojskog kantona je 26.11.2013. godine, na prijedlog Radne grupe za pripremu tematske sjednice Vlade vezane za rad i poslovanje JU Kantonalna bolnica Zenica, donijela Zaključak broj: 02-37-25080/13, kojim je u tački 7) navedeno: “Zadužuje se menadžment JU Kantonalna bolnica Zenica da zajedno sa stručnim kolegijem, sačini i predloži Upravnom odboru JU Kantonalne bolnice Zenica, prijedlog Odluke o utrošku sredstava koja će se obezbjediti putem preraspodjele sredstava između budžetskih korisnika radi osiguranja sredstava u iznosu 1.070.000,00 KM za potrebe JU Kantonalna bolnica Zenica u skladu sa članom 13. Zakona o zdravstvenoj zaštiti(“Službene novine Federacije Bosne i Hercegovine”, broj: 46/10), koju će putem resornog ministarstva dostaviti Vladi Zeničko-dobojskog kantona na postupanje.”

Vlada Zeničko-dobojskog kantona je 19.12.2013. godine donijela Odluku o odobravanju sredstava za nabavku opreme JU Kantonalna bolnica Zenica u skladu sa Odlukom Upravnog odbora JU Kantonalna bolnica Zenica broj: 20/1-8316/1 od 04.12.2013. godine. U skladu sa članom 3. Odluke je navedeno da će nabavke izvršiti JU Kantonalna bolnica Zenica u skladu sa Zakonom o javnim nabavkama, a da će se realizacija zaključenih ugovora vršiti putem Ministarstva zdravstva.

Obzirom da će procedure javnih nabavki biti okončane u 2014. godini, nakon dostavljanja zaključenih ugovora za nabavku, Ministarstvo zdravstva će u skladu sa istim utvrditi dinamiku transferisanja sredstava JU Kantonalna bolnica Zenica za izmirenje obaveza po zaključenim ugovorima, te po tom osnovu dostavljati naloge za plaćanje Ministarstvu finansija. Nakon izvršenog transfera sredstava od

strane Ministarstva finansija, JU Kantonalna bolnica će biti obavezna dostaviti dokaz o izmirenju obaveza po zaključenom ugovoru za koji su sredstva transferisana.

3. Nabavka neophodne opreme u skladu sa urgentnim zahtjevima zdravstvenih ustanova-planirana sredstva 377.500,00 KM

Planirana sredstva u iznosu 377.500,00 KM će se utrošiti za:

- Zbrinjavanje infektivnog otpada -80.000 KM
- Ostale nabavke neophodne opreme za zdravstvene ustanove-297.500 KM

Realizacija navedenih nabavki će se vršiti u skladu sa procentom ostvarenja prihoda u budžetu.

Broj: 02-_____ /14.
Datum, 23.01.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:
1x Ministarstvo zdravstva,
1x Ministarstvo finansija,
1x a/a.